

სიღნაღის მუნიციპალიტეტის საკრებულოს

დადგენილება №11

2011 წლის 29 აპრილი

ქ.სიღნაღი

სიღნაღის მუნიციპალიტეტის სიმბოლოების – გერბის და დროშის დამტკიცების შესახებ „ადგილობრივი თვითმმართველობის შესახებ“ საქართველოს ორგანული კანონის მე-8 მუხლის შესაბამისად, სიღნაღის მუნიციპალიტეტის საკრებულო ადგენს:

მუხლი 1

დამტკიცდეს საქართველოს პარლამენტთან არსებული ჰერალდიკის სახელმწიფო საბჭოსთან შეთანხმებული სიღნაღის მუნიციპალიტეტის სიმბოლოები (გერბი და დროშა).

1. დამტკიცდეს სიღნაღის მუნიციპალიტეტის გერბი და მისი აღწერილობა №1 დანართის შესაბამისად.

2. დამტკიცდეს სიღნაღის მუნიციპალიტეტის დროშა და მისი აღწერილობა №2 დანართის შესაბამისად.

მუხლი 2

დადგენილება ძალაში შევიდეს გამოქვეყნებისთანავე.

საკრებულოს თავმჯდომარე

ზ. ზედელაშვილი

დანართი №1

სიღნაღის მუნიციპალიტეტის გერბი



სიღნაღის მუნიციპალიტეტის გერბის აღწერილობა

გერბის ფარი გაკვეთილია, გადაკვეთილი და იყოფა 4 ნაწილად. I ნაწილი -ლურჯი ველი-გაკვეთილია და იყოფა ორ ნაწილად-ლურჯ და ვერცხლის ველეზად. ლურჯ ველს უჭირავს 2/3. მასზე მოთავსებულია წმინდა ნინოს ოქროს ჯვარი. წმინდა ნინოს ჯვარს შემოხვეული აქვს ოქროს ვაზი სამი ოქროს ფოთლითა და სამი ოქროს მტევნით. ვერცხლის ველს , რომელსაც უჭირავს 1/3, კვეთს სამი შემცირებული და ტალღისებური ლურჯი სარტყელი. II ნაწილი – მეწამულ ველზე ოქროს ფრთოსანი ცხენი, III ნაწილი – მეწამულ ველზე ოქროს ქვევრი (ჭური). IV ნაწილი, ლურჯ ველს კვეთს ერთკოშკიანი ციხესიმაგრის მსგავსი ოქროს სარტყელი, რომლის ზემოთ მოთავსებულია ოქროს გასაღები.

გერბის ფარს ზემოთ მოთავსებულია საქალაქო ვერცხლის გვირგვინი-სამკოშკიანი ქონგურებიანი გალავანი (ციხე-სიმაგრის ფორმის) ნახევრად ღია ჭიშკრით.

ფარს ქვემოთ მოთავსებულია გერბის დევიზის ვერცხლ-მეწამული ბაფთა, რომლის ვერცხლის ველზე შავად ჩაწერილია სიღნაღი.

დანართი №2

სიღნაღის მუნიციპალიტეტის დროშა



სიღნაღის მუნიციპალიტეტის დროშის აღწერილობა

დროშა ვერტიკალურად, თანაბარ ნაწილებად არის გაყოფილი ლურჯ და მეწამულ ველეზად. ლურჯ ველზე გამოსახულია წმინდა ნინოს ოქროს ჯვარი.

დროშის პროპორციაა 2:3.